



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

Reflexio VIII. Argvmentvm Historicvm IV. Ex Hübnero Pro Primatu Rom.
Pont. Sunt Phocæ Imperatoris Tempora Et Circumstantiæ Aliæ.

[urn:nbn:de:hbz:466:1-64326](#)

REFLEXIO VIII.

ARGVMENTVM HISTORICVM IV. EX HÜB,
NERO PRO PRIMATU ROM. PONT. SUNT
PHOCÆ IMPERATORIS TEMPORA ET CIR.
CUMSTANTIÆ ALIÆ.

Argumenta hactenus proposita et si talia ac tanta sint, ut sanæ mentis homini de legitimo Petri & Successorum jure vix dubium possint relinquere, nihilominus argumentum argumentis prioribus accedat posterius, præcipue pendum ab Archiepiscopis & Episcopis primò per Germaniam, dein per Europam, & demum per orbem universum longè diversis & dispersis. Fingamus itaque, ante Bonifacium III. Pont, & Phocam tyrannum per sex prima secula prorsus nullam fuisse Romanis Episcopis in Episcopos alios imperandi aut dirigendi potestatem. Fingamus Imperatoris huius conjunctam vim ac potentiam extitisse tantam, quanto ullo unquam tempore fuit vis aut potestas Imperatorum vel Pontificum in cogendis ac subiugendis Episcopis, Clericis ac Monachis. Hæc si finxerimus, & Lutheranis Scriptoribus tanquam rata habuerimus, id tamen impetrabunt minimè, quod tantopere sibi concedi postulant. Si namque duo rerum capita juxta collocemus, & sedulò perpendamus, unum continuò subvertet alterum. Eadem duo capita sint, primum nempe: *Romanus Pontifex à seculo VII. usque ad hanc nostram æatem in omnes omnino Patriarchas, Primates, Archiepiscopos, Episcopos, Antiphilistites quosvis, Clericos & Monachos accepit potestatem.* Caput alterum: *tantam potestatem denique concessit phocas Imperator Bonifacio III.* Utrumque mordicus defendit Hübnerus cum sociis passim in suis tomulis, præsertim verò I. de Romanis Imperatoribus, & Tom. III. de Romanis Pontificibus. Utrumque horum capitum ferè inter fidei sui dogmata numerant Lutherani passim plurimi. Jam verò an simul stare queant

queant, considerare hoc opus hic labor est. Ego audacter prouuntio: vel Phocas Imperator nullam concessit potestatem Romano Pontifici; vel si concessit, vanissima haec Phocæ fuit concessio: fuerit enim, ut libet fingere, Phocæ tyranni in Orientis Imperio vis maxima & authoritas in Episcopos etiam, quod nuspian ostensum hactenus; huius tamen tyranni in Occidentis Imperium prorsus nulla fuit vis unquam aut authoritas; veritatis hujus testes sunt tot, quot Occidentis & Orientis Historiam vel primis gustarunt labiis. In rei testes etiam advoco universam Germaniam, Italiam, Hispaniam, Galliam, Angliam, Daniam, Sueciam &c. Testis mihi maximus contra Hübnerum & hujus socios sit ipse Hübnerus in suis tomulis, nimirum I. tom. cuius pars magna continet Seriem Romanorum Imperatorum in Occidente per 300. annos interruptam. In tomulis reliquis communi omnium Historicorum calculo affirmat Seculis praesertim V. VI. VII. & VIII. per Europam vel erecta nova, vel certè antiqua adeò confirmata fuisse regna & Regum jura, ut Orientis Imperatores omni sua potestate exciderint, quam tam Seculis prioribus etiam in Occidentis partes extenderunt Imperatores partim Christiani, partim gentiles. Quamvis igitur Phocas sua qualicunque imperitandi peritia per annos sui Imperii 8. totius Orientis Episcopos subjecisset Romani Pontificis *imperio*, vel si mavis *jugo*, cum violentum non facile sit perpetuum, omnem vel imperandi vel regnandi methodum Pontificiam adhuc novam & maximè violentam sepeliisset cum extincto Phoca mors Ecclesiæ Romanae tunc hostibus multis jucundissima. Isthæc verò qualiscunque vis in Occidentis plagas vires suas neutriqnam extendisset. Fingamus verò & istud contigisse, aut potuisse contingere, quid tunc eventurum fuisse divinamus? Repono: divinare non nisi bella gravissima licet: cum enim non minor Seculo jam VII. potestas fuerit fixa & rata habita Archi-Episcopis & Episcopis in Germania, Italia, Hispania, Gallia,

An-

Anglia &c, quām firma fuit potestas Episcoporum in Oriente; totius Occidentis profectō Episcopis omnibus oblata fuisset simul occasio peridonea resistendi, quin ultro denunicandi belli *Romanæ potentiae, superbia, Romano tyranno, Anti-Christo*, uti honorifico scilicet nomine appellari crebrò legimus & audivimus invitis auribus. Quæ non facta fuisse cùm confiteatur, imò potiū contrarium evenisse multis in paginis testetur usque adeò, ut abundatissimè constet Historiæ peritis omnibus, Episcopos natione, aut potestate Germanos, Italos, Hispanos, Gallos, Anglos &c perrexisse causas suas majores Romam dirigere, Romano Pontifici subesse, sententiam petere & latæ sententiæ caput inclinare; certissimum inde nobis denuo fluit argumentum dicendi, Seculis prioribus assertam Romano Pontifici potestatem esse viribus humanis quidpiam majus, ipsius Divini nimirum Servatoris & Ecclesiæ Conditoris autoritatem Vicarium sibi firmantis: vel certè asserendum est toto ore & pectore: Deus inusitato prorsus miraculo quo vis in Occidente Episcopos adeò potenter movit, ut unanimi consensu sese subdere non dubitârint uni Supremo in terris, eique Romano Episcopo. Ausim sanè ego simile miraculum inter primæ notæ miracula numerare. Profectō experientia jugis docuit, in causis quibusunque onus secum ferentibus, item in causis vel damnum, vel diminutionem dominii continentibus, non solùm Principes Politicos, sed æquè & crebrò ardentius Ecclesiasticos certâsse, pugnâsse, dimicâsse, potiùs sanguinem fudisse & vitam amisisse, quām sui suorūmque diminutum inertī animo pertulisse. Quæ omnia aliisque plura cùm multis paginis etiam Hübnerus & socii afferant, quid hic aut horum amici denique sint responsi loco allaturi in medium, avidissimè exspecto.

RE